



МЕСЯЦА НОЯБРЯ В 21-Й ДЕНЬ

**Введение (Вход) во храм
Пресвятыя Владычицы нашей
Богородицы и Приснодевы Марии**

НА МАЛОЙ ВЕЧЕРНИ

На Господи, воззвах, стихиры, глас 1.

Подобен: Небесных чинѡв:



Вт Господа приймше обещанія плод, /
Иоаким и Анна Божию Матерь, / благопри-
ятную жертву, в храм введоша днесь, // и
Захарія, великий архиерей, благословив,
прият. **Дважды**

**Святых святая во святых обитати достойно
введеса, / яко Богоприятна жертва. / И Сию девы,
добродетельми благоукрашаемы, / впреді свеще-
носяще, приведоша Господу, / якоже сосуд свя-
щеннейший.**

**Да отверзется дверь Богоприятнаго храма: /
храм бо всех Царя и Престол, / днесь со славою
внутрь прием, / Иоаким возлагает, освятив
Господу / от Него избранную в Матерь Его.**

Слава, и ныне, глас 8:

**Давид провозглашаше Тебе, Пречистая, / про-
видя освящение входа Твоего в храм, / в немже
концы, днесь празднующе, / славословят Тя, Все-
петая: / яже бо прежде Рождества Дева / и по**

Рождествѣ пребывши нетленна, Мати Слова Жизни./ Днесь в храме Захария веселится, восприем Тя, Владычице,/ и святая святых радуются,/ подымши Тя, источника жизни нашей./ Темже и мы псаломски вопием Ти:// о нас моли Сына Твоего и Бога нашего, даровати нам велию милость.

На стиховне стихиры, глас 2.

Подобен: Дóме Евфрафов:

Двери Небесныя, примите Деву/ во святая святых,/ нескверную же Скинию Бога Вседержителя.

Стих: Приведутся Царю девы в след Ея,/ искренния Ея приведутся Тебе.

Девственнии лица, Чистую приемлите Деву,/ светло сущую во святая святых,/ яко Невесту Бога Всецаря.

Стих: Приведутся в веселии и радовании,/ введутся в храм Царев.

Хлеб словесный Чертог Божия Слова/ из руки Божественнаго Ангела/ приемлет, обитаючи во святая святых.

Слава, и ныне: Подобен тойже:

Свет Тя Трисиянный,/ взегши, Богородице, в храме славы,/ Небесную Ти пищу посылает, величая Тя.

Тропарь, глас 4: Днесь благоволения Божия предображение: *трижды (зри страницу 173)*

НА ВЕЛИЦЕЙ ВЕЧЕРНИ

Стихологисуем Блажен муж: 1-й антифон. **На Господи, возвах: стихиры на 8, глас 1.**

Подобен: О, дивнаго чудесе!

Днесь, вернии, ликовствуем,/ во псалмех и песнех Господеви поюще/ и чтуще Того священную Сень,/ одушевленный Кивот, неместимое Слово вместившую:/ приводится бо Господеви,/ паче естества плотию младенствующи,/ и святитель великий Захария/ приемлет с веселием Сию,/ яко Божие Жилище.

Днесь храм одушевленный святых славы/ Христа Бога нашего,/ едина в женах Благословенная

Чистая, / приводится в храм законный жити во святых; / и радуются с Нею Иоаким и Анна духом, / и девственный лица Господеви поют, / псаломски воспевающе и чтуще Матерь Его.

Ты — пророков проповедание, / апостолов слава, и мучеников похвала, / и всех земнородных обновление, / Дево Мати Божия: / Тобою бо Богу примирюхся. / Темже чтим Твое в храм Господень вхождение / и со Ангелом вси песенно, / радуйся, Тебе, Пречистая, вопием, / Твоими молитвами спасаеми.

Ины стихиры, глас 4.

Подобен: Яко дбля:

Во святых святая*, Святая и Непорочная, Святим Духом вводится / и святим Ангелом питается, / сущи святейший храм Святаго Бога нашего, / всяческая освятившаго входом Ея / и обожившаго естество земных поползшееся. Дважды

Отроковицы, радующеся и свещи имуще, / Свещи днесь предходят разумней** / и вводят Сию во святая святых священно, / проявляюще хотящую Зарю неизреченно из Нея возсияти / и просветити во тьме седящая неведения Духом.

Веселяся, примим, Захарие, / возопи Анна всехвальная, / Юже проповедаша Божии пророцы Духом, / и Сию введи во святый храм священно воспитатися, / яко да будет Владыки всех Божественный престол, / и палата, и одр, и светозарное обителище.

Слава, и ныне, глас 8:

По рождестве Твоем, Богоневесто Владычице, / пришла еси в храм Господень / воспитатися во святая святых, яко освященна; / тогда и Гавриил послан бысть к Тебе, Всенепорочней, / пищу Тебе принося. / Небесная вся удивившася, / зряще Духа Святаго, в Тя всельшася. / Темже, Пречистая и Нескверная, / яже на Небеси и на земли славима, / Мати Божия, спаси род наш.

* во святых святая (святая святых) — самая важная часть скинии, в которую входил первосвященник однажды в год для принесения жертвы (Евр. 9, 1—10)

** Свещи... разумней — Божией Матери

Вход. Прокімен дне. Чтѣнія 3.**Исхода чтѣние (глава 40):**

Глагола Господь к Моисею, глаголя: / в день един мѣсяца перваго / поставиши скинию свидѣнія, / и вложиши кивот, и покрѣши его завесою. / И внесѣши трапѣзу и свѣтѣльник ея, / и положиши кадильницу златую, / во еже кадити пред кивотом свидѣнія. / И положиши покрѣв завѣсы над дверми скинии свидѣнія. / И возмѣши елей помазания и помажѣши скинию / и вся, яже в ней, и освятѣши ю / и вся сосуды ея, и будет святая. / И освятѣши жертовник, и будет жертовник святая святых. / И сотвори Моисей вся, / елика заповѣда ему Господь Бог Святый Израилев. / И покрѣ облак скинию свидѣнія, / и славы Господни исполнися скиния. / И не можаше Моисей внѣти в скинию свидѣнія, / яко осеняше над нею облак, / и славы Господни исполнися скиния.

Царств трѣтиих чтѣние (глава 8):

Бысть, яко соверши Соломон еже создати дом Господень. / И собра вся старцы Израилевы в Сион / вознести кивот завета Господня из града Давидова, / сей есть Сион. / И взяша священницы кивот завета Господня, / и скинию свидѣнія, и вся сосуды святых, / яже в скинии свидѣнія. / И царь, и весь Израиль пред кивотом. / И внесоша священницы кивот завета Господня на место его, / в давр* храма, во святая святых, под крила Херувимов. / Яко Херувими бяху распростерты крилами над местом кивота, / и покрываху Херувими над кивотом / и над святая его свѣшше. / И не бе в кивоте, кроме двух скрижалей завета, / яже положи тамо Моисей в Хоривѣ, яже завета Господь. / И бысть, яко изыдоша священницы от святаяго, / и облак исполни дом. / И не возмогоша священницы стати служити от лица облака, / яко исполнися славы дом Господа Бога Вседержителя.

Пророчества Иезекилева чтѣние**(главы 43 и 44):**

Тако глаголет Господь: / будет от дне осмаго и прочее, / сотворят иереи на олтарѣ всесожжѣнія

* давр — прорицалище; так называлось святое святых

ва́шего / и я́же спасе́ния ва́шего, / и прииму́ вы, глаго́лет Адо́най Госпо́дь. / И обрати́ мя на путь врат святы́х вна́решних, / зря́щих на восто́ки, / и сия́ бя́ху затворе́на. / И рече́ Госпо́дь ко мне: / врата́ сия́ затворе́на бу́дут и не отве́рзутся, / и никто́же про́йдет сквозе́ их, / я́ко Госпо́дь Бог Изра́илев про́йдет и́ми, и бу́дут затворе́на. / Я́ко игу́мен сядет в них снести́ хлеб, / по пу́ти Ела́мских врат вни́дет и по пу́ти егó изы́дет. / И введе́ мя по пу́ти врат святы́х, су́щих к се́веру, пра́мо до́му, / и ви́дех, / и се́ испо́лнь сла́вы дом Госпо́день.

**На литии стихи́ры, глас 1. Самогласны.
Геор́гия Никоми́дйскаго:**

Да ра́дуется днесь Не́бо свѣ́ше, / и о́блацы весе́лие да кропа́т / о зело́ пресла́вных вели́чиих Бо́га на́шего: / се бо Дверь, на восто́ки зря́щая, / ро́ждшися от непло́дове беспло́дныя по обетова́нию / и Бо́гу освяще́на бѣ́вши в жили́ще, / днесь в храм я́ко непоро́чное приноше́ние приво́дится, / да ра́дуется Дави́д, бряца́я в гу́сли: / приве́дутся, рече́, Царю́ де́вы в след Ея́, / бли́жня Ея́ приве́дутся внутрь ски́нии Бо́жия, / внутрь очисти́лица Егó, / воспита́тися в жили́ще / пре́жде век от Отца́ нетле́нно Ро́ждшагося / во спасе́ние душ на́ших.

Глас 4:

Днесь Боговместимый храм, Богородица, / в храм Госпо́день приво́дится, / и Заха́рия Сию́ прие́млет: / днесь святая́ святы́х ра́дуются, / и лик Ангельский та́инственно торже́ству́ет. / С ни́миже и мы, пра́зднующе днесь, с Гаври́лом возопи́м: / ра́дуйся, Благода́тная, Госпо́дь с Тобо́ю, / имей ве́лию ми́лость.

Приидите, вси ве́рнии, / еди́ну Непоро́чную восхва́лим, / от проро́ков пропове́данную и в храм приве́денную, / пре́жде век прона́реченную Ма́терь / и в послѣдняя́ ле́та я́вльшуюся Богороди́цу. / Го́споди, моли́твами Ея́ / мир Твой пода́ждь нам и ве́лию ми́лость.

Сла́ва, и ны́не, глас 5. Леон́та май́стра:

Воссия́ день ра́достен / и пра́здник всече́стен: / днесь бо я́же пре́жде Рожде́ства́ и по Рожде́стве́

Дѣва пребывши, / в храм Господень приводится, / и радуется Захарія старец, родитель Предтечев, / и вопиет весело: / приближися, Предстательница скорбящих, / в храм святый, яко Свята, / освятитися во обителище Всецаря. / Да веселится Иоаким праотец, и Анна да радуется, / яко принесоша Богу яко трилетствующую Юницу / непорочную Владычицу. / Матери, срадуйтесь, девы, выиграйте, / и неплоды, сликовствуйте, / яко отверзе нам Небесное Царство пронареченная Всецарица, / радуйтесь, людие, и веселитесь.

На стиховне стихиры, глас 5:

Подобен: Радуйся:

Радуйся, Небо и земля, / Небо Умное грядущее зряще, / в Божественный дом воспитатися честно, / Деву едину и непорочную, / к Нейже, дивясь, Захарія вопиаше: / Двере Господня, храма отверзаю Тебе двери, / радующися, в нем ликовствуй, / познах бо и веровах, / яко уже избавление придет проявлено Израилево / и родится из Тебе Бог Слово, / даруяй миру велию милость.

Стих: Приведутся Царю девы в след Ея, / искренния Ея приведутся Тебе.

Анна Божественная благодать яве, / от благодати данную, чистую Приснодеву / приводит с веселием в храм Божий, / призвавши ити пред Нею отроковицам, / свещи носящим, и глаголющи: / поиди, Чадо, / Давшему Тя буди возложение и благовонный фимиам. / Вниди в незаходимая, и увещь тайны, / и уготовися быти Иисусово вместилище, веселое и красное, / подающего миру велию милость.

Стих: Приведутся в веселии и радовании, / введутся в храм Царев.

Внутрь в храм Божий / Боговместимый храм возлагается, Дѣва Всесвятая, / и отроковицы Ея ныне, свещи носяще, предходят. / Играет родителей сопряжение изрядное, / Иоаким же и Анна, ликовствующе, / яко родиша Творца рождшую, / Яже ликовствующи в Божественных скиниях / и питаема рукою Ангеловою, Всенепорочная, / Христа явися Мати, / Подающего миру велию милость.

Слава, и ныне, глас 6. Сѣргія Агиополита:

Днесь собори вѣрных, сошедшеся, / духовне да торжествуим / и Богоотроковицу Дѣву и Богородицу, / в храм Господень приводиму, / благочестно восхвалим, / предъизбранну от всех родов, / во обителище всех Царя Христа и Бога: / дѣвы, свещи носяще, предъидите, / Приснодѣвы чтуще честное происхождение, / матери, печаль всю отложивше, / радостно споследуйте Матери Бога бывающей / и радости мира Ходатаице. / Все убо радостно, / еже радуяся, со Ангелом возопиим Обрадованней, / присно молящейся о душах наших.

На благословѣнии хлѣбов, тропарь, глас 4:

Днесь благоволения Божия предображение / и человеков спасения проповѣдание / в храме Божии ясно Дѣва являється / и Христа всем предвозвѣщает. / Той и мы велегласно возопиим: / радуяся, смотрения Зиждителява исполнѣние.

Трижды

зри А идеже всенощнаго бденія несть, на велицей вечерни тропарь глаголем единойды.

НА УТРЕНИ

На Бог Господь: тропарь: Днесь благоволения Божия: трижды.

По 1-м стихословіи седален, глас 1.

Подобен: Лик Ангельский:

Праведных плод, Иоакима и Анны, приносится Богу во святѣлище святое, / плотию младенствующи, Питательница Жизни нашея, / Юже благослови священник Захарія: / Сію вси яко Матерь Божию вѣрно да ублажим.

Слава, и ныне, тойже.**По 2-м стихословіи седален, глас 4.**

Подобен: Удивися Иосиф:

Прежде зачатія, Чистая, освятилася еси Богу / и, рождшися на земли, дар принеслася еси ныне Ему, / исполняючи отеческое обещание: / в Божественном же храме, яко сущо Божественный храм, / от младенства чисте, со свещами светлыми отдана бывши, / явилася еси Приятелище Непреступнаго и Божественнаго Свѣта. / Велико во-

исти́нну предше́ствие Твое́, / едина́ Богоневесто́ и
Присноде́во.

Сла́ва, и ны́не, то́йже.

Величание:

**Велича́ем Тя, / Пресвята́я Де́во, / Богоизбра́н-
ная О́трокови́це, / и чтимъ́ е́же в храм Госпо́день /
вхожде́ние Твое́.**

По полиеле́и седа́лен, глас 8.

Подобен: Повеле́нное та́йно:

**Да ра́дуется Дави́д песнопісец, / и да ликов-
ству́ет Иоакі́м со А́нною, / я́ко плод святы́й из них
произы́де, / Ма́рїя светоно́сная, Божество́нная
свещá, / и ра́дуется, входя́щи в храм, / Ю́же и, зря,
благосло́ві Варахи́ин сын / и, ра́дуясь, взывáше: /
ра́дуйся, Чудо́ всемі́рное.**

Сла́ва, и ны́не, то́йже.

**Та́же степе́нна, 1-й антифо́н 4-го гла́са. Прокі́-
мен, глас 4: Слы́ши, Дщи, и виждь, и приклоні́ у́хо
Твое́. Стих: О́трыгну́ се́рдце Моё́ сло́во благо:
Прокі́мен: **Вся́кое дыха́ние / да хвалит Господа́.
Стих: Хвалите́ Бога во святы́х Его́: Ева́нгелие от
Луки́, зача́ло 4.****

По 50-м псалме́, вме́сто Моли́твами Богоро́дицы:

Сла́ва, глас 2:

**Днесь храм одушевле́нный и Вели́каго Царя́ / в
храм вхо́дит / Тому́ угото́ватися в Божество́нное
жили́ще. / Лю́дие, веселі́тесь.**

И ны́не, то́йже.

Та́же, Помі́луй мя, Бо́же:

Стихи́ра самогла́сна, глас 4:

**Днесь Боговместі́мый храм, Богоро́дица, / в
храм Госпо́день приво́дится, / и Заха́рия Сию́
прие́млет; / днесь свята́я святы́х ра́дуются, / и лик
А́нгельский та́инственно торже́ству́ет. / С ни́миже
и мы, пра́зднующе днесь, / с Гаври́илом возопи́им: /
ра́дуйся, Благода́тная, Госпо́дь с Тобо́ю, / имейя́
вѣлию́ ми́лость.**

**Кано́на пра́здника два: пе́рвый со ирмосо́м на 8.
Ирмос по два́жды, тропари́ на 6. Творе́ние Гео́рги-
ево. Егóже краегране́сие: Ты благода́ть, Влады́чи-
це, сло́ву даждь. Глас 4.**

Песнь 1

Ирмос: Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той вхождение.

Премудрости, Пречистая, Ты сокровище вѣмы и благодати, / точащую источник приснотекущий разума, / просим: Твоя капли ожди, Владычице, еже воспевати Тя присно.

Превышши, Пречистая, Небес бывши, храм и палата, / в храм Божий возложилася еси / Тому уготоватися в Божественное жилище пришествия Его.

Свет возсиявши Богородица благодати, / вся просвети и совокупи пресветлое Ея украсити торжество пѣснями: / приидите, к Ней стецемся.

Дверь славная, помыслы непроходимая, / двери отверзши храма Божия, / ныне повелевает нам, совшедшим, / Божественных Ея чудес насладитися.

Другий канон праздника,
подобне со ирмосом на 8.

Ирмос по дважды, тропари на 6. Творение Васильево, глас 1.

Песнь 1

Ирмос: Песнь побѣдную пойм вси Богу, / сотворшему дивная чудеса мѣшцею высокою / и спасшему Израиля, яко прославися.

Стецемся днесь, Богородицу почитающе пѣснями, / и торжествуим духовный праздник: / в храм бо Богу дар приносится.

Пѣснями да воспоим Богородицы славное предшествие: / к храму бо днесь, яко храм Божий, / приносится пророчески дар многоценный.

Анна непорочная радовашеся, / яко дар многоценен Богу приносящи в храм матерски, / Иоаким же с нею торжествует светло.

Давид, праотец Твой, воспе Тя древле, Дево Богоневесто, / Дщерь глаголя Тя Царя Христа, / Егоже и, родивши, матерски Младенца доила еси*.

* доила еси—питала, кормила грудью

Плотию трилѣтствующи, Богородица Господу приносится; / Захарія же Сію, священник Божий, прием, / радуясь, в храм возложи.

Дѣвы, ликовствуйте, / священосицы, начните днесь, / и матери, воспойте Царице Матери, / приходящей в храм Царя Христа.

Слава,

Троицен: Троице Единосущная, / Отче, и Слове, и Душе Святый, / Тя верно славим, яко Творца всех, / и Тебе вопием благочестно: / спаси ны, Боже.

И ныне,

Богородичен: От багра кровей Твоих, червленицею, Пречистая, одеваясь, / прошед, обнови Царь и Бог род весь человеческий благоутробием Своим.

Катавасія (оба лика вкупѣ): Христос раждается—славите, / Христос с Небес—срящите. / Христос на земли—возноситеся. / Пойте Господеву, вся земля, / и веселием воспойте, людие, / яко прославися.

(От сего дне катавасія сия поется до 1-го дне января).

Песнь 3

Ирмос: Твоя песнословцы, Богородице, / живый и независтный источник, / лик себе совокупльшия, духовно утверди, / в честном вхождении Твоем / венцев славы сподоби.

Невестокраситель днесь явился красный Девы храм и чертог, / прием одушевленный чертог Божий, / Чистую, и Непорочную, и Светлейшую всея твари.

Давид, предначиная ликование, играет, и ликовствует с нами, / и Царицу зовет Тя украшену, Пречистая, / предстоящу, Всечистая, в храме Царю и Богу.

Из неяже * преступление произыде древле роду человеческому, / из Той ** исправление и нетление процветет: / Богородица днесь приводима в дом Божий.

* из неяже — от той, то есть Евы

** из Той — от Этой, то есть Пресвятой Богородицы

Играют Ангельская воинства и всех человек множество, / и пред лицем, Пречистая, предтекут Твоим днесь священосицы, / зовуще величества Твоя в дому Божии.

Ин

Ирмос: Да утвердится сердце мое в воли Твоей, Христэ Боже, / Иже над водами Небо утверждей второу / и основавый на водах землю, Всесильне.

Торжествуим, празднлюбцы, и срадуемся духом / во святем празднице, учреждающесе днесь, Дщере Царевы / и Матере Бога нашего.

Иоакиме, радуйся днесь, / и веселися, Анно, духом, / рожденную из вас Господу приводяще трилétствующу, / яко Юницу Чисту Всенепорочную.

Божие селение во храм святыи приводится, Богородица Мариам, / плотию трилétствующая, / и Той свещесветят девы, предтекуще.

Божия Агница неблазненная и голубица нескверная, / Боговместимая скиния, славы освящение, / в скинии святей обитати избра.

Трилétствующая телом и многолétствующая духом, / ширшая Небес и Горних сил превышшая, / да восхвалится песньми Богоневестная.

Богородицы празднующе в невходимых предшествие, / свещеимуще умно с веселием, / днесь и мы с девами к храму приближимся.

Священницы Божии, / облецытеся в правду благодатию и срящите светло, / входы подающе Дщери Царя и Бога во святая.

Слава,

Трoичен: Свет Отец, Свет Сын Его, Свет Дух Утешительный: / яко от Солнца бо Единого Трoицы, сияюще, / Божественно озаряет и соблюдает души наша.

И ныне:

Тя пророцы проповедаша кивот, Чистая, святыни, / кадилницу златую, и свещник, и трапезу, / и мы, яко Боговместимую скинию, воспеваем Тя.

Катавасия: Прэжде век от Отца рожденному нетленно Сыну / и в последняя от Девы / воплощенному безсеменно, / Христу Богу возопийм: / вознесый рог наш, / свят еси, Господи.

Седáлен, глас 4.

Подóбен: Удивíся Иосиф:

Возопíй, Давíде, / что сей настоящíй
праздник, / Юже воспел еси иногда в книзе псалом-
стей, / яко Дщерь Богоотроковицу и Деву. / Приве-
дутся, рече, Царю таинственно девы во след Ея и
блiзния Ея. / И дивен соделаи и всемирен
праздник зовущим: / Богородица нам предста,
спасения Ходатаица.

**Слава, и ныне,
глас и подобен тойже:**

Непорочная Агница и нескверный чертог, / в
дом Божий Богородица Мариам с веселием вво-
дится преславно, / Юже Ангели Божии дориносят
верно, / и вси вернии блажат присно / и благодар-
ственно поют Ей непрестанно велиим гласом: /
наша слава и спасение Ты еси, Всенепорочная.

Песнь 4

Ирмос: **Неизследный Божий Совет** / еже от
Девы воплощения / Тебе, Вышняго, пророк Авва-
кум, усмотряя, зовяше: / слава силе Твоей,
Господи.

Дверь непроходную Божий дом приемля
днесь, / престати сотвори всякой службе закон-
ной, / яко истинно явися, зовый, / сущим на земли
Истина.

Гора присенная, юже провиде древле Авва-
кум, / предпроведа внутрь вместившуюся в не-
ходных храма, / добродетели процветши, и покры-
вает концы.

Видевши преславная вся земля странная же и
дивныя вещи, / како Дева, от Ангела пищу прием-
лющи, / образы строения носит.

Храм, и палата, и Небо одушевленное явльши-
ся, Богоневесто Царева, / во храм законный приво-
дима днесь, / Тому соблюдаема, Пречистая.

Ин

Ирмос: **Духом провидя, пророче Аввакуме,**
Словесе воплощение, / проповедал еси, вопия: /
внегда приблизитися летом, познаешися, / внегда
приити времени, покажешися. / Слава силе Твоей,
Господи.

Проро́че Иса́ие, прорцы́ нам, / Дѣва кто есть, имущая во чрѣве? / Яже из Иудина корене прозябши / и рождшися из Дави́да царя, / семене свята́го плод благосла́вный.

Начина́йте, дѣвы, и воспойте пѣсни, / рука́ми держа́ще свещи́, Чистыя Богоро́дицы предше́ствие хва́ляще, / ны́не грядúщия во храм Бóжий, кúпно с нами́ прáзднующе.

Иоакíме и А́нно, веселíteся ны́не, / во храм приводя́ще Господень Чистую Бóга Мáтерь Христа́ Всецаря́ бúдущую, / от вас же рождшюся, я́ко трилѣтствующую Ю́ницу.

Святáя святýх сýщи, Чистая, / во храм святýй возлю́била еси́ вселíteся / и, со А́нгелы, Дѣво, бесѣдующи, пребыва́еши, / пресла́вне с Небѣс хлеб приѣмлющи, Пита́тельнице Жíзни.

Рождше пáче наде́жди Пречистую Дѣву, / благочестíво обеща́хуся Бóгу принести́ / и исполняют, да́юще я́ко жѣртву, рождѣнную от них, / Иоáким днесь и А́нна, в дом Бóжий.

Прозябѣ жезл иногда́ Аарóнов, / прообразу́ющий, Чистая, Божѣственное Рождество́, / я́ко безсе́менно зачнѣши, и нетлѣнна пребúдеши, / и по рождествѣ дѣвствующи яв́ишися, / Младѣнца пита́ющи — всех Бóга.

Дѣвы — Дѣву, и мáтери — Мáтерь / благочестно стецы́теся почтíti с нами́ рождшюся / я́ко непорóчную жѣртву и рождѣнную Бóгу плодоноси́мую, / вси убо свѣтло прáзднуем.

Сла́ва,

Трóичен: Трóицу Ли́цы, Ед́иницу о́бразом, / благочестно сла́вим Бóга Истинна, / Егóже пою́т А́нгельская и Архáнгельская чиноначáлия я́ко твáри Влады́ку, / и челове́цы вѣрно, покланя́ющеся пр́сно.

И ны́не:

Моли́ непрестáнно, Пресвятáя Чистая, / Егóже плóтию родила́ еси́, Сы́на Твоегó и Бóга, / от многообразных се́тей диáволих и от всяких искуш́ений находя́щих вся избáвити рабы́ Твоя.

Катава́сия: Жезл из корене Иессе́ева / и цвет от негó, Христѣ, / от Дѣвы прозябл еси́, / из горы́, Хва́льный, приосенѣнныя ча́щи, / пришѣл еси́,

воплóщся от Неискусомужныя, / Невещественный
и Бóже: / слава силе Твоей, Гóсподи.

Песнь 5

Ирмос: Ужасóшася всяческая / в честнѣм вхождѣнии Твоѣм: / Ты бо, Неискусобрачная Дѣво, / внутрь вошла еси в храм Бóжий, / якоже чистѣйший храм, / всем воспевáющим Тя // мир подавáющая.

Священіе слáвное и священное возложѣние, / днесь Пречыстая Дѣва, возложившися в храм Бóжий, / Всецарю нашему Бóгу Единому в жилище соблюдáется, / яко вестъ Сам.

Добрóту, Пречыстая, душй Твоея зря некогда, / véроу Захарія возопи: / Ты еси избавленіе, Ты еси всех радóсть, / Ты еси воззваніе наше, / Ёюже Невмѣстный вмещѣн мне явится.

О, пáче умá чудес Твоих, Всечыстая! / Странное Твоѣ рождество есть, / странен образ возвращенія Твоего, / странна и преслáвна Твоя, Богоневѣсто, вся / и человеки несказанна.

Свѣщник многосвѣтлый сущи, Богоневѣсто, / днесь возсияла еси в домѣ Господни / и озаряеши ны честными дарованіи, Чыстая, / чудес Твоих, Богородице всепѣтая.

Ин

Ирмос: Свѣтлый нам возсияй Свет Присносущный, / ўтренующим о судьбахъ заповедей Твоих, / Владыко Человеколюбче, Христѣ Бóже наш.

Да светлонóсим, правослáвнии вси, стекáющеся и слáвяще Богомáтерь, / яко Гóсподу днесь приводится / яко жѣртва благоприятна.

Да веселятся праотцы днесь, Владычице, / и да радуется рóждшая Тя со отцѣм Твоим, / яко плод их Гóсподу прино́сится.

Многоименитую и слáвнейшую Непорóчную Юницу*, / яко плóтию рóждшую Божественнаго Тельца, / вси воспойм, véрно празднующе.

Уневѣщания написуются Божественная зна́менія / пáче умá рождества Твоего, Чыстая Дѣво, / днесь Духом Святым в домѣ Бóжии.

* Юницу—Телушку

Да отвѣрзутся преддверія славы Бѳга нашего / и да приѣмлют Неискусобращную Бѳжю Матѣрь, / якоже трилѣтствующую Несквѣрную Юницу.

Многочестную и присѣнную гѳру воспойм— / Приснодѣву, Бѳжю Матѣрь бѣвшу: / Та бо облистá свет в концѣх.

Слава, Трѳичен: Преначáльное и Присносущное Едино Божество славослѳвяще, поклонимся, / Трѣми Лицы естеством нераздѣльное / и славою равночестное.

И ныне: Пристáнище благоутѣшное и необоримую стѣну стяжáхом, / молитву Твою во обстоянних, Богородительнице, / всегда избавляеми бед и скорбѣй.

Катавасія: Бог сый мѣра, Отец щедрѳт, / Великаго Совѣта Твоего Ангела, / мир подавáюща, послáл еси нам: / тем, Богоразумия к свету настáвльшесе, / от нѳщи ўтренующе, / славослѳвим Тя, Человеколѳбче.

Песнь 6

Ирмос: Божественное сие и всечестное / совершающе прáзднество, / Богомудрии, Богоматере, / приидите, рука́ми восплѣщим, / от Нея рѳждшагося Бѳга славим.

Всяческая Носй глаголом, / молитву праведных услыша. / Тѣмже непло́дныя разрешил еси недѳг, яко Благоутрѳбен, / радости Винѳвную сим даровá.

Сказати хотя́ Господь языком Своѣ спасѣние, / Неискусобращную ныне от человекъ прият, / примирѣния зна́мение и обновлѣния.

Яко дом сущи благодати, / в немже сокровища лежат неизречѣннаго Бѳжия строѣния, Всечѣстая, / в храме причастилася еси нетлѣнные сла́дости.

Диáдиму Тя цáрскую приѣм, / храм, Богоневѣсто, просвѣщáшесе / и подступáше лѳчшим, / предрѣченных зря на Тебѣ сбытѣе.

Ин

Ирмос: Пророка Иѳну подражáя, вопию: / живѳт мой, Блáже, свободи́ из тли / и спаси́ мя, Спасе мѣра, зовѳща: слава Тебѣ.

Пра́зднуим, ве́рнии, пра́здник духо́вный Ма́тере Бо́жия, / воспева́юще благоче́стно: / есть бо святе́йша Небе́сных умо́в.

Пе́сньми духо́вными восхва́лим, ве́рнии, Ма́терь Све́та, / я́ко днесь нам яви́ся, / предходя́щи в храм Бо́жий.

Нескве́рная А́гница и Чи́стая Голуби́ца / приведе́ся обита́ти в дом Бо́жий, / я́ко Непоро́чная, прона́реченная бы́ти Ма́ти Бо́жия.

В храм зако́нный вхо́ды соверша́ет храм Бо́жий, Небе́сная ски́ния, / из Нея́же нам, су́щим во тьме, Свет возсия́.

Младен́ствующи плоти́ю и соверше́на душе́ю, / Святы́й Киво́т в дом Бо́жий вхо́дит / воспита́тися Божество́нною благода́тию.

От вся́ких искуше́ний и бед душе́вных свободи́ны, / притека́ющия к Тебе́, Всепе́тая, / Твои́ми мольба́ми, Ма́ти Христа́ Бо́га.

Сла́ва,

Тро́ичен: Оте́ц, и Сын, и Дух пра́вый, / Триипоста́сная Еди́нице и Неразде́лимая Тро́ице, / поми́луй покланя́ющияся Божество́нной Держа́ве Твое́й.

И ныне:

Во чре́ве Твоём вмеще́н Невмести́мый все́ми, Богома́ти, быв, / из Тебе́ произы́де, Пречи́стая, / сугу́б естество́м Бог и Челове́к.

Катава́сия: Из утробы́ Ио́ну младенца́ изbleва́ морской зверь, / якова́ прия́т, / в Де́ву же все́льшееся Сло́во / и плоть прие́мшее про́йде сохра́ншее нетле́нну. / Егóже бо не постра́да истле́ния, / Ро́ждшую сохра́ни невре́жденну.

Конда́к, глас 4.

Подобен: Вознеси́йся:

Пречи́стый храм Спа́сов, / многоце́нный черто́г и Де́ва, / священное сокро́вище сла́вы Бо́жия, / днесь вво́дится в дом Господе́нь, благода́ть совво́дящи, / Я́же в Ду́се Божество́нном, / Ю́же воспева́ют А́нгели Бо́гии: // Сия́ есть селе́ние Небе́сное.

Икос:

Неизрече́нных Бо́жих и Божество́нных та́ин / зря в Де́ве благода́ть явля́емую и исполня́емую

явственно, / радуясь и образ разумети недоумеюся, странный и неизреченный: / како избранная, Чистая, Единая явися паче всея твари видимыя и разумеваема? / Темже восхвалити хотя Сию, ужасаюся зело умом же и словом, / обаче дерзая, проповедаю и величаю: / Сия есть селение Небесное.

Песнь 7

Ирмос: Не послужиша твари Богомудрии / паче Создаваго, / но, огненное прещение мужески поправше, / радовахуся, поюще: // препетый отец Господь и Бог благословен еси.

Се днесь возсия концем весны радостная, / просвещаючи нашу душу, и помышление, и ум благодатию, / торжеством Богородицы днесь таинственно да учредимся.

Да дароносят днесь всяческая Царице, Матери Божии / Небо и земля, и Ангелов чини, и человеков множество / и да вопиют: / во храм вводится Радость и Избавление.

Писание мимотечё и оскуде закон, якоже сень, / и благодати лучи возсияша в храм Божий вшедшей Тебе, Дево Мати Чистая, / в нем благословенная.

Повинуся Рождеству Твоему, Всечистая, / яко Творцу и Богу Небо, и земля, и преисподняя, / и всяк язык земных исповедает, / яко Господь явися, Спас душ наших.

Ин

Ирмос: Пещь, Спасе, орошашеся, / отроцы же, ликующе, пояху: / отец Боже, благословен еси.

Ликовствуим, празднолюбцы, днесь, / воспойм Чистую Владычицу, / Иоакима и Анну достойно чтуще.

Пророчествуй, Давиде, глаголя Духом: / приведутся девы вслед Тебе, / приведутся Тебе во храм Царице Матери.

Радовахуся Ангелов чини, / веселяхуся праведных души, / яко Божия Матерь во святая приводится.

Приемлющи пищу Небесную, / преспеваше мудростию и благодатию, / бывши Мати по плоти Христа Бога.

И тѣлом и дѣхом радовашеся, / пребывающаи
Марія Непорочная во храмѣ Божии, / якоже сосудъ
священнейшій.

Введоша Тя во внутреннейшее храма целомуд-
реннии родители Твои, Пречистая, / воспитатися
странно в жилище Христа Бога.

Слава,

Трѣичен: Прославим Троицу Нераздельную, /
воспоймъ Единое Божество / со Отцемъ Слово и Духа
Всесвятаго.

И ныне:

Моли, Егоче родила еси, Господа, / яко благоут-
робна естествомъ суща, Богородительнице, / спаси
души воспевающихъ Тя.

Катавасія: Отроцы, благочестію совоспита-
ни, / злочестиваго велѣния небрегше, / огненнаго
прещенія не убоишася, / но, посреде пламени
стояще, пояху: / отцевъ Божие, благословенъ еси.

Песнь 8

Ирмос: Слыши, Отроковице, Дѣво Чистая, / да
речетъ убо Гавриилъ / Советъ Вышняго, древній,
истинный: / буди къ пріятію готова Божію, / Тобою
бо Невместимый съ человеки поживе. / Темъ и
радуясь, вопію: / благословите, вся дела Господ-
ня, Господа.

Пречистый храмъ в домъ Божій приводящи Анна
иногда, / вопіющаи, съ верою рече священнику: /
чадо, отъ Бога данное мнѣ, приимъ ныне, / введи во
храмъ Зиждителя твоего / и, радуясь, пой Емѹ: /
благословите, вся дела Господня, Господа.

Рече, видевъ, Анне иногда Духомъ Захарія: /
Жизни Матерьъ вводиши истинную, / Юже свѣтло
пророцы Божии Богородицу проповѣдаша, / и
како храмъ вместитъ Ю? / Темъ чудясь, вопію: /
благословите, вся дела Господня, Господа.

Раба Божія быхъ азъ, — отвѣща Анна емѹ, — /
призывающаи Сего верою и молитвою, пріяти моея
болѣзни плодъ, / по пріятіи же рожденную приве-
сти Давшему Ю. / Темъ, зовя, вопію: / благословите,
вся дела Господня, Господа.

Законное воистинну дѣло есть, — священникъ
рече ей, — / странну же весьма вещь поразумѣваю, /

зря Приводимую в дом Божий, / преславно превосходящую святая благодатию. / Тем и радуясь, вопию: / благословите, вся дела Господня, Господа.

Возмогаю, — рече Анна ему, — знаящи, яже глаголеши, / разумеши бо сия Духом Божиим, / ясно яже Девы проповедал еси; / прими́ убо Пречистую в храм Создателя твоего / и, радуясь, пой Ему: / благословите, вся дела Господня, Господа.

Светоносна нам возжжеся свеща, — возопи священник, — / радость величайшую светящи в храме; / души пророческия да срадуются мне, / яко преславная зряще, совершаемая в дому Божии, / и да вопиют присно: / благословите, вся дела Господня, Господа.

Ин

Ирмос: *Егоже ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и возносите во вся веки.*

Веселится днесь светло Иоаким, / и Анна непорочная Господу Богу приносит жертву, / данную ей от обещания Святую Дщерь.

Хвалятся святии Давид и Иессей, / и Иуда чтится, / из корене бо их израсте плод — Дева Чистая, / из Неяже родися Бог Превечный.

Мария Пречистая и одушевленная скиния / приводится днесь в дом Божий, / и прие́млет Сию Захария руками, / яко освященное сокровище Господне.

Яко дверь спасительную и гору мысленную, / яко лествицу одушевленную, почтим, вернии, войстинну Деву и Матерь Божию, / благословенную руками иереев.

Пророцы, апостоли и мученицы Христовы, / Ангелов чини и вси земнороднии, почтим песньми Деву Чистую, / яко благословенную Матерь Высочайшаго.

В храм Тя принесоша, Всенепорочная Чистая, / Божественне рождшии Тя, яко жертву чисту, / и странно водворяешиися в неходимых Богу / предуготоватися в жилище Словоу.

Благословим Отца, и Сына, и Святаго Духа — Господа.

Трѳичен: Да поётся Трисвятѳый Отец, и Сын, и Дух Святѳый, / Нераздѣльная Единица, Единое Божество, / держащее дланию всю тварь во вся вѣки.

И ныне:

Безначальное начинается Слово плотию, / родився, яко благоволи, / Бог же и Человек из Отроковицы Дѣвы, / возсозидая ны, прежде падшя, / ради крайняго благоутрѳобя.

Хвалим, благословим, поклоняемся Господеви, поюще и превозносяще во вся вѣки.

Катавасия: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Дѣвы, / в Нюже вниде утрѳобу. / Тем, воспевающе, воспоём: / да благословит тварь вся Господа / и превозносит во вся вѣки.

На девятой пѣсни Честнейшую: не поём, но поём припѣвы праздника: Ангели, вхождѣние Пречистыя зряще, удившася: / како Дѣва вниде во святая святых? **И посѣм ирмос:** Яко одушевленному Божию кивѳту:

Таже вторый лик поёт тойже припѣв праздника и ирмос. И на кийждо тропарь поют припѣвы праздника, на оба лика.

Песнь 9

Ирмос: Яко одушевленному Божию кивѳту / да никакоже коснется рука скверных, / устне же верных Богородице немолчно, / глас Ангела воспевающе, с радостию да вопиют: / истинно вѣшши всех еси, Дѣво Чистая. **Дважды.**

Ангели, вхождѣние Всечистыя зряще, удившася: / како со славою вниде во святая святых?

Яко пресветлую, Богородице Чистая, душевныя чистоты имущи доброту, / благодатию же Божиею исполняема с Небесѣ, / Светом Присносущным просвещаяши всегда с веселием вопиющия: / истинно вѣшши всех еси, Дѣво Чистая.

Ангели, вхождѣние Дѣвы зряще, удившася: / како преславно вниде во святая святых?

Прелетает, Богородице, Чистая, чудо Твое силу словес: / тело бо в Тебѣ поразумеваю паче слова, /

течѣния греховнаго неприятно./ Тѣмже благодарственно вопию Ти:/ истинно вѣшши всех еси, Дѣво Чистая.

Ангели и человецы, Дѣвы вхождѣние почтим,/ яко со славою вниде во святая святых.

Преславно прообразоваше, Чистая, закон Тя скинию и Божественную стамну,/ странен кивот, и катапетасму*, и жезл,/ храм неразрушимый и дверь Божию./ Тѣмже научают Тебѣ звати:/ истинно вѣшши всех еси, Дѣво Чистая.

Ангели, вхождѣние Дѣвы зряще, удившася:/ како Богоугодне вниде во святая святых?

Песнопоя Тебѣ,/ провозглашаше Давид, глаголя Тя Дщерь Цареву,/ красотю добродетелей, одесную предстоящую Бога, видев Тя упещрену./ Тѣмже, пророчествуя, вопияше:/ истинно вѣшши всех еси, Дѣво Чистая.

Ангели, взыграйте со святыми, дѣвы, сликовствуйте:/ Богоотроковица бо вниде во святая святых.

Богоприятну предзря, Соломон проповѣда Тя одр Царев,/ живый источник запечатствован,/ из негоже немутная нам произыде вода, верою вопиющим:/ истинно вѣшши всех еси, Дѣво Чистая.

Ангели и человецы, Дѣву пѣсньми да возвеличим:/ Боголепно бо вниде во святая святых.

Подавши дарований Твою тишину, Богородице, души моей,/ точащи жизнь Тебѣ чтущим по долгу,/ Сама защищающи, и покрывающи, и соблюдающи вопити Тебѣ:/ истинно вѣшши всех еси, Дѣво Чистая.

Таже первый лик поет второго канона припев праздника:

Величай, душе моя,/ приведенную во храм Господень и благословенную руками иереевыми.

И посем ирмос: Светоносный облак: и второй лик поет тойже припев праздника и ирмос, и на тропарех поем тойже припев праздника.

Ин

Ирмос: Светоносный облак, в оньже всех Владыка,/ яко дождь с небес на руну, сниде/ и

* катапетасма — завеса

воплотится нас ради, / быв Человек, Безначальный. / Величаем вси яко Матерь Бога нашего Чистую. Дважды.

Припев: Величай, душе моя, / приведенную во храм Господень и благословенную руками иереевыми.

Из праведных произыде Иоакима и Анны / обещания плод — Богоотроковица Марія / и, яко кадило приятно, плотию младенствующи, / приводится во святилище святое / яко Святая во святых обитати.

Младенствующую естеством и паче естества являющуюся Матерь Божию восхвалим песньми: / в храм бо законный Господу днесь приводится в воню благовония, / праведных яко плод духовный.

Со Ангелом, еже радуйся, Богородице приличне возопийм, вернии: / радуйся, вседобрая Невесто; / радуйся, облаче светлый, из негоже нам возсия Господь, во тьме неведения сидящим; / радуйся, всех Надеждо.

Святых святая и Богомати Маріе, / молитвами Твоими, Чистая, свободи ны от сетей вражиих / и всякия ереси и скорби, / верно поклоняющихся образу святого Твоего зрака.

Песнь достойную Богородице вся тварь со Ангелом Гавриилом взывает, вопиюще: / радуйся, Мати Божия Всенепорочная, / Еюже избавихомся первые клятвы, / бывше нетления общницы.

Херувим пребольши, и Серафим вьшши, / и ширши Небес явилася еси, Дево, / яко Невместного всеми во утробе вместивши, Бога нашего, / и рождши несказанно: / Егоже моли прилежно о нас.

Троби́чен:

Припев: Величай, душе моя, / Триипостаснаго и Нераздельнаго Божества Державу.

Триипостасное естество, и Нераздельную славу, / и в Божестве Едином поемую непрестанно на Небеси и на земли / Троицу Неразлучную прославим, / с Сыном Отцу и Духу поклоняющеся благочестно.

Богородичен:

Припев: Величай, душе моя, / Честнейшую и Славнейшую Горних воинств, Деву Пречистую, Богородицу.

Под Твое благоутробию прибегающия верно / и покланяющияся благочестно Сыну Твоему, Дево Богородительнице, / яко Богу и Господу мира, / молися от тли и бед избавити и всяческих искушений.

Таже оба лика, вкупе сошедшеся, поют припев 1-го канона: Ангели, вхождение Пречистыя зряще:

И посем ирмос: Таинство странное вижу и преславное: / Небо — вертеп, Престол Херувимский — Деву, / ясли — вместилище, / в нихже возлеже Невместимый — Христос Бог, / Егоже, воспевающе, величаем.

Светилен.

Подобен: Жены, услышите:

Юже древле предвозвести пророческое словие, / стамну, и жезл, и скрижаль, и несекому гору, / Марию Богоотроковицу верно да восхвалим: / днесь бо вводится во святая святых воспитатися Господу.

Трижды.

На хвалитех стихиры на 4, глас 1.

Подобен: Небесных чинов:

Свещеносицы девы, / Приснодеву светло провоздающе, / пророчествуют истинно Духом будущее: / храм бо Божий Богородица сущи, / в храм со славою девственною, / младенствующи, вводится.

Обещания святого и плод благославный / Богородица воистинну явися миру, / яко всех превышшая: / Яже благочестно приводима в храм Божий, / молитву рождших исполняет, / соблюдаема Божественным Духом.

Небесным воспитана, Дево, хлебом / верно в храме Господни, / родила еси миру Жизни Хлеб, Слово, / Емуже, яко храм избранный и всенепорочный, / предобручилася еси Духом таинственно, / обручена Богу и Отцу.

Да отверзется дверь Богоприятного храма: / храм бо всех Царя и Престол, / днесь со славою внутрь прием, / Иоаким возлагает, освятив Господу / от Него избранную в Матерь Себе.

**Сла́ва, и ны́не, глас 2.
Леонта майстора:**

Днесь в храм приводится Всенепорочная Дева, / во обителище Всецаря Бóга / и всея жízни нашей Питателя; / днесь Честнейшая Святб́ня, / я́ко трилётствующая Юница, / во святая́ святых ввóдится; / Той возопи́м, я́ко А́нгел: / ра́дуйся, Еди́на в жена́х Благословенная.

Славослóвие вели́кое и отпу́ст.

ЗРИ Зна́менуются же бра́тия от иере́я святы́м елеем. И поём стихи́ру самогласну прázдника, ю́же хóщет еклеси́арх.

НА ЛИТУРГИИ

Блаженны от канона, песнь 3-я 4-го гласа и 6-я, 1-го гласа на 8. По входе тропарь прázдника. Сла́ва, и ны́не, конда́к. Прокі́мен, глас 3. Песнь Богородицы: Вели́чит душа́ моя́ Го́спода: Стих: Я́ко призре́ на смире́ние Рабы́ Своея́: Апóстол ко Евре́ем, зачало 320. Аллилу́ия, глас 8: Слы́ши, Дщи, и виждь, / и приклони́ у́хо Твое́. Стих: Лицу́ Твоему́ помóлятся богáтии лю́дстии. Ева́нгелие от Луки, зачало 54. Прича́стен: Ча́шу спасе́ния прииму́:

М Подоба́ет ве́дати, я́ко а́ще случи́тся прázдник Введе́ния Богородицы в неде́лю:

В СУББОТУ ВЕЧЕРА, НА МАЛОЙ ВЕЧЕРНИ:

На Го́споди, воззва́х: стихи́ры воскрeсны гласа, 4. Сла́ва и ны́не, прázдника, и́же на Го́споди, воззва́х: ма́лыя ве́черни. На стиховне стихи́ра воскрeсна еди́на. Та́же прázдника стиховна вели́кия ве́черни со стихи́ прázдничными. Сла́ва и ны́не, прázдника. Тропа́рь воскрeсен. Сла́ва и ны́не, прázдника. Посе́м ектений ма́лая и отпу́ст.

НА ВЕЛІЦЕЙ ВЕЧЕРНИ:

На Го́споди, воззва́х: стихи́ры воскрeсны 3, и востóчен еди́н, Анатóлиев, и прázдника 6. Сла́ва и ны́не, прázдника. Посе́м вход. Прокі́мен дне и чтeния прázдника 3. На лити́и стихи́ры и Сла́ва и ны́не, прázдника: Возсия́ день ра́достен: На стиховне стихи́ры воскрeсны: Сла́ва, и ны́не, прázдника. На благословeнии хле́бов тропарь прázдника три́жды. И чтeние в Послáниях апóстольских.

НА УТРЕНИ:

На Бог Го́сподь: тропарь воскрeсен, два́жды. Сла́ва и ны́не, прázдника. По обы́чных кафізмах седа́льны воскрeсны с Богородичны их. И чтeние во Ева́нгелии толковом. Та́же Многомíлостиво. И тропари́ А́нгельский собор: Ипакóй гласа и седа́льны вси прázдника по

единожды. Слава и ныне, праздника, иже по полиелее седален, и чтение праздника. Степенна гласа. Прокимен и Евангелие праздника. Также Воскресение Христово: псалом 50. И целование Евангелия по обычаю. Также Слава, припев праздника: И ныне, тойже. И стихира праздника. Канон воскресен со ирмосом на 4, и Богородице два, и праздника оба канона на 8. Катавасия: Христос раждает: оба лика вкупе. По 3-й песни кондак воскресен и икос, и седален праздника дважды, и чтение праздника. По 6-й песни кондак праздника, и икос, и чтение в пролозе. На 9-й песни припевов не поем, но Честнейшую: Светилен воскресен. Слава и ныне, праздника. На хвалитех стихиры воскресны 4 и праздника 4, со стихий праздничными. Слава, праздника. И ныне, Преблагословенна еси, Богородице Дево: Также Славословие великое. По Трисвятом тропарь воскресен точно, ектении и отпуст. Также стихира Евангельская, и оглашение, и обычное исхождение, и час 1-й в притворе. На часех тропарь воскресен. Слава, тропарь праздника. И ныне, Богородичен часов. По Отче наш: кондак воскресен. Такжеже и на всех часех кондаки, пременяюще, глаголем.

НА ЛИТУРГИИ:

Блаженны воскресны гласа на 6 и праздника песнь 3-я на 4. По входе тропарь воскресен и праздника. Слава, кондак воскресен. И ныне, праздника. Прокимен, Апостол, аллилуия, Евангелие и причастен прежде дне, и праздника.

М Подобаёт ведати, аще случится попразднство Входа Богородицы в неделю и святой празднуется на 4 или на 6:

НА МАЛОЙ ВЕЧЕРНИ:

В субботу вечера стихиры воскресны и Богородице, по обычаю.

НА ВЕЛИЦЕЙ ВЕЧЕРНИ:

По стихословии, на Господи, возвах: стихиры воскресны 3, и восточен един, Анатоліев, и праздника 3, того дне рядовья, и святого Миней 3. Аще ли поётся святой на 6 или емуже и полиелей и поем стихиры воскресны 3, и праздника 3, и святого 4. Слава, святого. Аще же ни, Слава, праздника. И ныне, Богородичен 1-й гласа. Вход. Прокимен дне. На литии стихиры праздника, того дне стиховныя, и святого, аще полиелей. Слава, и ныне, праздника. Аще ли имать святой Славу: Слава, святого. И ныне, праздника. На стиховне стихиры воскресны. Слава, святого, аще есть, аще ли ни, Слава, и ныне, праздника. На благословении хлебов тропарь: Богородице Дево: дважды и праздника, единожды.

НА УТРЕНИ:

На Бог Господь: тропарь воскресен дважды. Слава, святого, аще есть. Аще ли ни, Слава, и ныне, праздника. По кафизмах седальны воскресны с Богородичны их и

чтѣние во Евангелии толковом. Полиелѣй и тропарѣ: **Ангельскій соборъ: инакой, степѣнна и прокѣимен гласа.** Евангелие воскресно, и стихѣра воскресна, и прочее воскресно. Канон воскресен, со ирмосом на 4, и Богородице на 2, и праздника на 4, и святѣго на 4. Аще полиелѣй, канон воскресен со ирмосом на 4, и праздника на 4, и святѣго на 6. Катавасія: **Христосъ раждается:** По 3-й пѣсни кондакъ праздника и ѣкос, и святѣго, аще имать, и седѣлен святѣго, Слава, и нѣне, праздника, и чтѣние. По 6-й пѣсни кондакъ воскресен и ѣкос, и чтемъ пролог. На 9-й пѣсни поѣм: **Честнѣйшую:** Светѣлен воскресен. Слава, святѣго, аще имать. Аще ни, Слава, и нѣне праздника. На хвалѣтех стихѣры воскресны 4 и праздника со славным 4, стиховныя утренняя, со стихѣй праздника. Аще имать святѣй стихѣры на хвалѣтех, и поѣм стихѣры воскресны 4 и святѣго со славным 4, с припѣвы егѣ. Слава, стихѣра Евангельская. И нѣне, **Преблагословѣнна еси, Богородице Дѣво:** Славословіе великое. По Трисвятѣм тропарѣ воскресен точию. И ектений, и отпѣст, и оглашѣние, и обычное исхождѣние в притворъ. Тѣже час 1-й, на 1-м часѣ тропарѣ воскресен. Слава, тропарѣ праздника. И нѣне, Богородичен часѣв. По **Отче наш:** кондакъ праздника. На 3-м часѣ тропарѣ воскресен. Слава, святѣго. И нѣне, Богородичен часѣв. По **Отче наш:** кондакъ воскресен. Такожде и в прочія часѣ глаголем воскресный тропарѣ всегда с праздничным, и со святѣго тропарѣмъ прменяюще, аще есть. А кондакъ воскресен и праздника глаголем, прменяюще, аще полиелѣй и святѣго.

НА ЛИТУРГІИ:

Блаженны гласа на 6 и праздника рядовая пѣснь на 4. Аще ли имать святѣй пѣснь во уставѣ: и воскресна на 4, и праздника пѣснь рядовая на 4, и святѣго пѣснь 6-я на 4. По входѣ тропарѣ воскресен, и праздника, и храма святѣго, и святѣго, аще имать. Тѣже кондакъ воскресен. Слава, святѣго, И нѣне, праздника. Аще ли не имать святѣй тропарѣ и кондака: Слава, кондакъ воскресен, И нѣне, кондакъ праздника. Прокѣимен, Апостол, аллилуія, Евангелие и причѣстен дне и святѣго, аще имать, аще ли ни, то ряд недѣли едѣн.

Вѣстно буди, яко празднуется праздник сей дней 5.

Введение во храм Пресвятой Владычицы нашей Богородицы. Праздник Введения во храм Пресвятой Богородицы — предвозвѣстие благоволенія Божія къ человѣческому роду, проповѣдь спасенія, обетованіе Христовѣя пришествія.

Велик и знаменателен настѣящій день в жизни Богоматери, ставшій предзнаменованіемъ того, что Пресвятая Дева будетъ поставлена

превыше не только святыхъ, но даже Ангелов. Херувимов и Серафимов.

Божественный Промысл остается непостижимымъ Начальствамъ и Властямъ на Небесахъ, только черезъ Церковь они познаютъ, в чемъ состоитъ домостроительство тайны, сокрывавшейся отъ вечности в Боге.

Праздникъ Введения Пресвятой Богородицы во храмъ возникъ на основаніи Церковнаго преданія, дабы

пролить свет на «исполнение Зиждителя смотра» (тропарь праздника), совершившееся на этот раз в предызбранной Деве, посвятившей Себя служению Богу. Церковь нарушает молчание Священного Писания, раскрывая неисповедимые пути Господни, которые готовят Вместилище для Божественного Слова: «от пророков проповеданную и в храм приведенную прежде век пронареченную Матерь и в последняя лета являющуюся Богородицу» (стихира на литии), Которая «вводится днесь» во святая святых как «священное сокровище славы Божией».

Введение во храм Пресвятой Богородицы совершилось, по Церковному преданию, следующим образом. Родители Девы Марии, праведные Иоаким и Анна, молясь о разрешении неплодства, дали обет, если родится дитя, посвятить его на служение Богу. Когда Пресвятой Деве исполнилось три года, святые родители решили выполнить свое обещание. Собрав родственников и знакомых, одев Пречистую Марию в лучшие одежды, с пением священных песен, с зажженными свечами в руках привели ее в Иерусалимский храм. Там встретил Богоотроковицу первосвященник со множеством священников. В храм вела лестница в пятнадцать высоких ступеней. Младенец Мария, как только Ее поставили на первую ступень, укрепляемая силой Божией, быстро преодолела остальные ступени и взшла на верхнюю. Затем первосвященник Захария, по внушению свыше, ввел Пресвятую Деву в святое святых, куда из всех людей только раз в году входил первосвященник с очистительной жертвенной кровью. Все присутствовавшие в храме дивились необыкновенному событию.

Праведные Иоаким и Анна, вручив Дитя воле Отца Небесного, возвратились домой.

Глубокой тайной покрыта земная жизнь Пресвятой Богородицы от младенчества до вознесения на Небо. Сокровенна была и Ее жизнь в Иерусалимском храме. «Если бы кто спросил меня,—говорил блаженный Иероним,—как проводила время юности Пресвятая Дева,—я ответил бы: то известно Самому Богу и Архангелу Гавриилу, неотступному хранителю Ее».

Но в Церковном предании сохранились сведения, что во время пребывания Пречистой Девы в Иерусалимском храме она воспитывалась в обществе благочестивых дев, прилежно читала Священное Писание, занималась рукоделием, постоянно молилась и возрастала в любви к Богу.

Каждая душа христианская может находить в храме такое же блаженство, какое находила в нем Пресвятая Дева, введенная в храм Господень с юных лет.

Грех удаляет нас от Бога и лишает Его благоволения. Но чрез посещение храма мы опять приближаемся к Богу и привлекаем к себе Его Небесную милость. В святых храмах обитает Сам Бог, а вместе с Ним—все Ангелы и святые. Небожители являются защитниками и покровителями нашими. Они своими молитвами помогают нам и испрашивают все необходимое для жизни и благочестия. Молитвами, чтением или слушанием Слова Божия мы входим в общение с Богом и беседуем с Ним. В особенное, таинственное общение с Иисусом Христом, нашим Искупителем, мы входим чрез совершаемое в храме таинство Причащения. В храмах, особенно во время Богослужений, приносятся молитвы о прощении наших грехов. В храмах примиряемся мы с Богом, приносим раскаяние во грехах и получаем прощение. Как бы ни были тяжки грехи наши, но благодать Божия врачует любую немощь. Из церковной врачевницы никто не выходит без исцеления, если захочет того сам страждущий и будет приносить искреннее покаяние. С отпущением грехов естественно возвращается мир душевный. Здесь одно спасительное слово и одно сердечное сокрушение о грехах может произвести удивительную перемену в человеке и сделать его из грешного праведным.

Здесь, пред Престолом Всевышнего, наши молитвы соединяются с молитвами святых. Особенной Ходатаицей и Молитвенницей нашей является Пресвятая Богородица. Она с трех лет находилась при храме Божию до того времени, пока не сделалась избранным орудием спасения всего мира. Возлюбившая святой храм, Она с радостью помогает всем, приходящим в него для молитвы.